



YEE  
2

上

乾隆十九年  
部借一萬兩  
年久今年  
文  
...

特  
門 5  
號 3537  
卷 8

重修揚州府志卷之十二

河渠志四

乾隆十九年



上遣德爾敏富勒赫來工正月德爾敏富勒赫上言寶應高郵邵伯一帶臨湖石工綿長一百七十餘里因工程修建年久今年湖水盛大被風浪衝擊塌卸一千四百四十餘丈殘缺應行修補者六百四十餘丈現在湖水尚在隄根殊為險要亦應一律修補完整報

聞二十一年四月署河道總督富勒赫言芒稻河東西二牖乃

高寶邵伯諸湖入江之尾間全賴牖底堅固方足資啓

閉今查此二牐於乾隆十七年修補之後歷年湖河水勢奔注衝激以致西牐東一門二門三門四門五門六門東牐第二門底石衝跌坑塘地椿腐朽又東牐第二門第三門西牐第七門底石衝動均應修補一律堅實部議覆准報

可二十二年二月

翠華再莅命大學士公傅恒等與尹繼善嵇璜等公同酌議南河河務傅恒等言洪湖五壩所以宣泄湖水其智信二壩曾經奉有

諭旨非遇盛漲不得遽開但五壩過水既多而下游承受僅高郵之車邏等三壩未免來多去少應於昭關地方復設滾壩滾壩之下開一支河更將南關舊壩改建滾水石壩便與高堰五壩相應再歸江諸河業於上年開挑現在疏通而范公隄諸牐之下入海河道應否設立牐座應請一併交與臣嵇璜會同白鍾山逐一相度報

聞是月白鍾山嵇璜言洪澤湖五壩共寬三百二十餘丈高郵車邏等三壩寬不滿二百丈誠如

聖訓來多去少難免雍遏之患今軍機大臣議於昭關地方復設滾壩開一支河實屬量入爲出之道至范公隄之下入海河道容俟將黃河上游各工辦有成緒卽馳赴下

游查勘再高寶諸湖上承洪澤湖並天長六合之水匯歸運河由運河諸壩分趨下注江海向來臨湖西岸設有出水港口二三十座導水入運由港口東趨以資宣泄最爲緊要若俟伏秋大汛湖水盛漲之時始行開放五壩齊趨高寶諸湖勢不能容納往往洶湧奔注盈隄溢岸穿運而東無怪高寶興鹽窪下之處不能容受卽地勢少高之所亦難免淹溢之虞莫若預爲籌畫陸續宣泄庶免驟漲之水一時併注爲害臣前任南河時曾經陳奏於桃汛時視湖河水勢如何倘足資濟運無慮蓄水卽先將西岸瀉高寶湖水之港口預爲酌量開放俾湖水日逐宣泄其勢自減而湖面騰出以待洪湖盛漲五壩減下之水亦可容納湖河之水循序匯歸江海不但下河地方不致被淹且藉此可以插秧種稻今可否仍照前議預將出水港口先爲開放之處伏乞

訓示遵行報

可四月

上諭下河高寶諸湖之入江入海各有分塗小港支渠排比行列但或淤或淺水無所歸不特沿海興鹽七邑被其患而高寶首當其衝城垣廬舍亦重爲可慮當使近江者入江近海者歸海條理井然深通暢達不致泛溢山畝則所全實多稽

重刊揚州府志 卷之十一 三  
璜前奏請於昭關設滾壩一座滾壩以下復開支河南關舊壩改建滾水石壩此項工程並一應支河卽著嵇璜率同何燭董其事六月嵇璜言臣遵

旨前往下河率同何燭悉心詳勘淮揚運河東隄減入下河之水自邵伯以北者皆歸海邵伯以南者皆入江因邵伯以東地脈高阜天然限制各有分塗若欲使之向若歸壩必順其就下之性查下河歸海之路從前所建各壩有丁溪小海地勢外高不能泄水其草堰劉莊伍祐新興等場皆得地勢分注鬪龍新洋等港歸海查劉莊之大團壩至新興之石碓壩相距五十五里中間並無一壩應請於伍祐場之沿窪口蔡家港地方添建五孔石壩二座開挑上下支河引歸新洋港入海又查石碓壩天妃越壩兩牆裹頭尾俱已塌卸應請一并修補堅固又各壩下支河年久淤淺現在比壩底高二三尺至四五尺不等應請勘估興挑又沿海港口現俱深通唯射陽湖灣曲太大泄水不暢竟有東西僅隔里許而南北繞一大灣至數十里者應請勘估挑通俾得捷徑歸海至於串場河以西河渠甚多其導水而現今淤塞者如泰州之孔家涵鹽城之岡溝河皮岔河三處應須疏濬深通又高寶運河東隄原設石壩十餘處水大則藉以

泄水歸海水小則藉以灌溉民田甚爲有益今查郎兒  
插子嬰南插并邵伯之三插年久傾圯應請拆修以上  
皆下河歸海之路第下河州縣本係水鄉形如釜底每  
遇霖雨兼旬卽遭淹漫若高郵諸壩過水太多盈科漸  
進方能歸海而下河已不免泛溢查河湖水勢歸江近  
而歸海遠歸海紆迴而歸江徑直多一分入江之路卽  
少一分歸海之水臣查運河歸江之路芒稻插董家溝  
石羊溝四處插壩俱寬八十六丈邵伯以南運河東隄  
舊設有金灣六插金灣滾壩東西灣壩鳳皇橋壁虎橋  
灣頭插等處共寬九十餘丈上下相應用以導水入江  
今東隄僅金灣六插并灣頭插過水通計七插口門止  
寬十二丈八尺尚不如芒稻東西二插之寬鳳皇橋正  
南木橋過水甚爲微細東西灣壩面本高金灣滾壩淤  
土久積以致運河之水不能及時宣泄臣於五月內奏  
明動帑將金灣滾壩并鳳皇壁虎二橋抽挖溝槽不過  
暫爲宣泄之計應俟霜降後將金灣滾壩刨低一尺東  
灣壩改低二尺五寸鳳皇壁虎二木橋下淤灘一并挖  
深比運河底高七尺爲準再西灣壩形勢不順毋庸挑  
挖應請將東灣壩添寬十二丈壁虎北木橋之上另開  
河頭十二丈添建木橋一座滙入壁虎橋引河內以資

宣泄又金灣牖底太高應將北牖之底改低一尺東灣鳳皇壁虎等橋壩外支河應請照所改壩脊一律挑深方得湍流無滯又邵伯西岸諸港口爲湖水遞入運河之咽喉內有葵花港奶奶廟港陳家港久經淤塞臣於五月間奏明疏濬已經完竣唯邵伯諸湖遞注之引河多有淺阻每致停蓄積水盈滿湖中應請將黃子湖通連朱家湖之湯家絆引河改向西南疏濬寬深再朱家湖通連董家湖之王家莊地方開挑新引河一道引水直注董家湖以達孔家橋形勢灣曲應請於東首另挑引河入尤家窪下接挑新河一道由蕪城墩後引入越河再將越河加挑寬深節節引導諸湖積水湍流入運由鳳皇壁虎二橋出廖家溝等壩歸江又運河寶應之竹絡壩外灘漸高難資宣泄應請於竹絡壩之南三里溝地方建設滾水石壩一座庶山寶水勢可以平緩以上皆湖河歸江之路至宣泄機宜唯在冬春初夏若六月以後江面旣高潮汐又大雖盡開牖壩而泄減無多且山盱五壩寬三百三十丈又益以蔣家壩十八丈歸江牖壩止八十餘丈來水幾五倍於去水必須長年開放寸寸泄減俾高寶諸湖預畱過水之地斯不至壅滯爲患但芒稻閘河乃兩淮鹽艘必由之路若下版堵壩



以濟鹽運則河工坐誤機宜若全開牐壩以利湖河則鹽船恐致淺阻期於兩不相妨斯可行之久遠臣悉心諮訪或稱另開運鹽河道或稱於人字河築壩建牐二說皆不可行查灣頭至丁堰之運鹽河見在淺深不一竟有淺至尺許者所以芒稻牐一經啓版卽虞淺阻應請將運鹽河道勘估興挑以芒稻河西牐底水深五尺爲度使運鹽河內長存五尺底水則鹽船可以過行而沿河牐壩可以長年啓版既有利於河工亦無礙於鹽運再各州縣小港支渠不可數計豈能一例興挑康熙年間每歲令下河居民挑濬渠港著有成效應請責成地方官於農隙之時查明田間水道有壅塞淺隘之處傳集里民案照地畝辦理佃戶出力業主給食逐年挑出之土卽堆成圩岸以護田疇是在有司善爲督率每年將所挑各河申報督撫稽考庶渠港深通旱澇有備至籌辦應修各工歸江者應請列爲急工歸海者應請列爲緩工其歸江工程須在九十月間興工方有裨益仰懇

皇上勅下督河撫鹽諸臣會同確議

諭嵇璜等曰嵇璜所奏湖河宣導機宜并應修應導各工頗中緊要運河減泄之水歸海路遠歸江路近然亦有不能歸江

之處此皆南巡得之目擊者今分別緩急因勢利導俾田畝資其灌溉水漲不受滄漫所言頗合朕意但向來地方各官州縣局守一隅不能通盤籌畫而大吏又因循草率憚於動帑興工每致臨期竭蹶節節補苴迄無成效今會全局而熟籌之綢繆於先事其中改紆爲直易遠爲近濬淺爲深所奏應疏應濬各工甚有條理不必更行交議著照所請交與尹繼善白鍾山普福等會同稽璜於應動工時次第興舉是月河督白鍾山奏洪澤湖水勢長發仁義智三壩過水甚多見將清口東水東壩量爲寬展俾清水暢流會黃人海

諭曰白鍾山此舉已遲矣清口原淮水故道東西兩壩古人具有深意所爲淮流力弱資其堵束逆力刷黃至淮水既當漲盛之時西壩不動東壩當早爲宣泄以減其勢此固操縱由人非可膠柱五壩則不得已而設此尾閘也欲泄水勢當在清口清口泄一分尾閘便減七八分清口壩不早爲展拓無怪乎水勢全注五壩而高寶諸邑行被水患矣朕今春親臨相度時所欲言而未及言者嗣後清口東水東壩當秋冬淮弱時仍照舊修築束清敵黃春夏之交一遇水漲卽行展拓開濶至盛漲時三壩等處過水一寸則東壩便可開寬二丈過水二寸則開寬四丈俾得疏泄通暢不致奔赴尾閘此最

要之著所當永遠遵行八月督臣尹繼善河臣白鍾山奏稽  
璜原奏歸江工程現在委員分段承修并委大員查催  
督辦於九月內卽行興工俟歸江急工完竣歸海各工  
卽行接辦報

閏十月白鍾山稽璜言臣稽璜前奏將歸江者列爲急工歸海  
者列爲緩工而歸海各工其中亦有應行先辦者如高  
寶運河東隄之郎兒牯子嬰南牯邵伯減水三牯水大  
則歸海水小則溉田今因年久損壞急應拆修完固阜  
寧之射陽湖改紆爲直移遠爲近則歸海捷徑宣泄甚  
暢不致阻壅水勢至爲緊要泰州之孔家涵河鹽邑之  
皮岔河岡溝河係分導西水之要路亟須疏導深通以  
資利導又下河之石礎天如越牯裹頭尾土俱已塌卸  
兩牆壁立若不急修恐致傾圮難以再緩此俱係歸海  
緩工內所當先辦之工今與歸江急工一併估定於年  
內一律如式完竣報

閏十一月稽璜奏高郵運河東隄添建石壩已經完竣並請酌  
定水則如上游五壩過水漸多車邏南關五壩過水三  
尺五寸開放五里中壩若車邏南關二壩過水至五尺  
再開放新建石壩視水勢之大小以爲啓閉自無壅潰  
之虞

曰此所見深得蓄泄機宜蓋湖河水勢以五壩爲來源以江海爲去路而歸江之路近於歸海況下河一帶地本卑窪必視歸江諸壩壩實有宣泄不及之勢始可以次啓放今春南巡時親臨指示令將車邏南關二壩常行開放俾河水得以隨時減泄而又早關歸江之路以達其流下河田畝遂獲豐收此已試之明效自當酌定水則以時啓閉者著照嵇璜所奏過水尺寸立誌壩旁以垂久遠然此特專就下河言之耳若論湖河全局則五壩之水泄自洪湖但使洪湖之水從清口暢流會黃入海則黃水不致有倒灌之虞而五壩之過水自可消減向以河臣唯恃護隄轉致湖漲遂有一潰難收之勢而清口則收束迫隘託言濟運不知近日運河之水患其多不虞其少前曾降旨白鍾山等以清口東西二壩古人具有深意唯淮水日弱則資其堵束并力刷黃淮水盛漲之時則早爲宣泄以減其勢至於五壩則不得已而設此尾閘也因令於五壩過水一寸則東壩開寬二丈過水二寸則開寬四丈以期疏泄通暢不致奔溢五壩以爲下河之患昨據裘曰修夢麟白鍾山高晉奏稱今值冬令應照例東壩蓄水向來口門僅畱十八丈至二十丈今酌畱三十丈湖水可以暢出等語是清口之水已不患其不暢流而會黃入海矣至春夏盛漲之期則仍照前旨立爲水則視五壩過水之分寸以

加展拓如此通盤籌辦操縱得宜則湖河全局自可永奏安瀾之績矣但河官積習唯以因循守前規爲事可將此旨勒石於清口及運河東壩俾治河諸臣永遠遵行焉十二月督河諸臣奏淮揚等處滙湖入海各河暨高寶下河歸江歸海之河港統計五十餘道俱先後告竣

上嘉諭諸臣議敘有差二十三年正月夢麟同督河諸臣言長淮千里滙聚洪湖自現在挑濬河道以來又有河南上江諸水盡注於湖去路更宜籌計查洪湖出水之路有三一清口會黃入海一運口入運達江一則山盱五壩過水由高寶諸湖入運歸江歸海每年運口入運之水高寶一帶卽已盈隄拍岸又值五壩盛漲減泄所過之水滙於高寶諸湖傾瀉而來河水被湖水所截湖水又爲河水所阻遂交漲而漫七邑今高寶一帶入江各河港已節次疏濬而運口來源若不節制則進水過多難以容納歸江之路仍恐不暢向來運口重運過竣之後卽將惠濟等牐下版使運口來水減少得以騰空運河五壩所過之水得以暢達歸江其法甚善後因啓閉失宜牐座圯壞遂至長年過水毫無樽節臣等循照舊制每年重運過完五壩過水甚大之時將惠濟通濟福興等牐酌量下版數層則運河先已騰空五壩減下之水

卽可以迅速歸江且清口旁分無多可以專力敵黃黃河又可無倒灌停淤之患報

聞又

諭曰朕幾疑汝等欲以高寶爲壑矣然不可因有此奏唯以閉牖爲得法也總之運河節制惠濟之進水猶可而節制高寶湖水之入則不可仍以早行疏泄爲是二月督臣尹繼善河

臣白鍾山嵇璜及高晉奏江都所屬之芒稻牖壩爲河湖歸江第一尾閘若使長年啓放俾諸湖積水暢泄歸江於冬春水落時早可騰空以備伏秋容納之地則高郵南關車邏二壩自然過水無多下河可免淹漫無如

芒稻河乃鹽船必由之路當河防急需泄水之時正鹽船盛行之候若將芒稻徹底啓放版牖則漕急鹽船難以絳挽若因此閉牖則湖河水無去路必致壅積爲災查芒稻河自西北直超東南而灣頭河則自西南至東北橫亘其間所有運河東岸之金灣東灣鳳皇壁虎灣頭等牖壩減泄之水皆直趨芒稻牖及董家溝石羊溝廖家溝各滾壩歸江鹽船由灣頭河行走必須牖門下版方資浮送所以芒稻牖壩不能啓閉合宜臣等再四籌酌芒稻牖迤東現有舊越河一道應令鹽船由越河直走金灣北牖不繞芒稻牖出灣頭則泄水鹽運分爲

兩塗芒稻牖可以長年啓放泄水歸江查越河長六百餘丈水勢甚覺淤淺應一律挑深五六尺再金灣北牖牖底尚高改低二尺四寸以便鹽船挽運臣等見在飭令辦理勒限二月完工報

可三月撫臣陳宏謀條奏河工七事內稱下河一帶民田以范公隄爲捍衛愚民於水漲時希冀水面外泄輒挖隄泄水後雖補築不過取隄根浮土填滿見在缺口甚多隄身不過數尺倘遇潮漲各縣必受潮災應請如式修築永資捍衛

河諸臣及嵇璜等詳議速奏經諸臣議覆准行五月嵇

璜奏辦理芒稻河牖情形

諭曰此實經理下河之要鍵朕去春南巡所諄切指示令早闢歸江之路者正爲此也芒稻一牖乃歸江第一尾閘向因淮南鹽艘皆由灣頭河轉運必須芒稻牖門下版方可蓄水過行以致不能啓放合宜前據該督等奏牖東有舊越河一道應令鹽艘由越河直走金灣北牖是泄水與運鹽已自分爲兩塗芒稻牖自可長年啓放矣但恐終狃於蓄水運鹽之習不免因循觀望夫蓄水運鹽不過少省牽挽之勞所費在富厚商人而下河數州縣之民生攸繫此其輕重豈不較然耶嗣後芒稻牖永遠不許下版俾得暢泄歸江則諸河積水自

可減退遇伏秋大汛亦足以資容納而下河一帶得蒙樂利之休矣該督等將此泐石牘畔俾後來司事者有所遵守焉二十四年二月督臣尹繼善河臣白鍾山奏請建寶應護城甃工自城北太平巷起至城南宏濟牘止計長七百八十六丈事下工部二十五年九月督臣尹繼善河臣白鍾山言高寶興泰下河被水之由議論不一或謂歸江之路尚有淤阻以致湖水壅滯不暢不知通江各河如東西灣金灣六牘鳳皇橋壁虎橋灣頭各河俱經節節疏通而芒稻一牘又係常開不閉廖家石羊董家等溝處處通流歸江之路不爲不暢是下河之災並非因通江無路也議者又謂夏秋之時海潮甚大內外頂阻以致下河之水不能歸海臣等親身閱歷細加訪問高寶一帶去海數百里當高寶受淹之時離海甚遠水未到海口之先而高寶先已淹沒是海水頂阻以致受淹其說亦未確也蓋洪澤一湖儲蓄全淮之水每當盛漲卽由五滾壩減泄盡入高寶各湖將欲南流歸江而去江尚遠欲東流歸海而爲道甚紆唯有下河各州縣地勢甚窪湖水由各壩建瓴而下先及高郵次至寶應次至興化泰州以及阜寧鹽城節次被淹皆由車邏南關等壩並無限制故也前高斌任總河時會奏明堵閉



高郵諸壩截壩湖水而注之江不使流入下河後因東水大緊東隄不能完固致有二廂之潰臣等悉心講論高斌之誤在於不能因時變通謂之事非全美則可而泥於一時之成敗謂其所辦全非則不可也乾隆十八年臣尹繼善同劉統勳奏明將南關車邏等壩封土三尺伏秋水漲次第開放後於二十二年又經改議不必封土聽其過水以爲由漸而去下河可以容納但漫無節制一遇水長卽易受淹臣等從前所議原未合宜不可不亟圖變計今欲使下河減災唯有節其來水欲節來水唯有將南關車邏等壩仍封土三尺俟水勢長至三尺以外方許啓壩再不能容方啓五里昭關等壩次第宣泄如在三尺以內則謹嚴防守不得擅啓俾湖河之水專注歸江查歷年過水尺寸大率一二尺其過水三尺外者十年之中不過二三年如水在三尺以內滾壩無水下注則下河可獲豐收倘過水之時日稍遲則蚤稻先登已有得半之數卽使間遇異漲啓壩畧早而數年一次小民亦所甘心是壩上封土一法實爲保全下河良法論者謂如此則下河受益而上河之水壅滯亦不免受淹似非公平不知下河民生田廬十倍上河輕重懸殊原應較量況從前奏定成案於湖水盛漲時

重刊州志 卷之十一  
卽將惠濟各牘相機下版減河口之來源使運河騰空  
以爲宣泄高寶湖水之去路再將低窪湖田查明豁糧  
以爲儲水之地則上河亦不致偏枯所慮者一經封土  
則運河東隄在在受險防守爲難必須將東隄土石輒  
工通身查勘凡有殘缺卑薄之處及時修築再將河內  
淤灘通身挑挖使水有所容納其運河西隄所有輒石  
舊工凡塌卸損壞之處一併修築以禦湖水之衝並將  
西隄港口相度收拾高寶湖內之引河如有淤者酌量  
疏通如此則下河之水既可減其來源上河之水又爲  
籌其去路矣

硃批此所謂補偏救弊之方帑項朕固不惜但應用之以實毋  
致滋弊冒銷可耳十月嵇璜復言運河東隄之金灣滾壩口  
門寬四十丈而尾閘仍歸入六牘河內未能暢注且易  
淤阻請於金灣壩下開挑引河一道正對董家溝滾壩  
並將淺狹之處疏挖以注於江又廖家溝石羊溝董家  
溝三壩壩面尚高請改低三尺以芒稻西牘爲準

硃批此係卿在京陳奏之事原以待明年南巡舉行今旣改期  
且督河諸臣已有挑濬之舉則及時此奏實爲允當已有敕  
交尹繼善高晉等勘議矣二十六年三月高晉陳宏謀等勘  
議具如嵇璜所奏辦理又言金灣壩以下旣已另開新

河其原設之舊壩止四十丈不獨壩面覺小且形勢亦覺背流請於壩北展寬十丈以順其吸川之勢又東西灣舊設有滾壩二座泄湖河之水直注石羊溝歸江唯西灣壩下引河短促僅長三百二十餘丈卽與東灣引河相合非特水噎不流且阻遏東灣之水倒漾出運應將西灣引河加挑三百二十丈至太平橋始與東灣水合鳳皇橋引河係由廖家溝歸江河內間有淤灘亦應挑挖金灣壩下旣開新河壩面又擬寬展則下游之董家溝壩面亦應展寬十二丈連舊壩面共寬三十丈石羊溝舊有耳牖兩孔實屬無用應將磯心拆去卽以牖牆爲滾壩裏頭計展寬五丈四尺連舊壩面共寬三十七丈四尺廖家溝壩面原寬十六丈連年刷寬三十八丈今就見寬丈尺於東牆修建裏頭共展寬四十四丈各壩俱經改低又復寬展其壩下引河凡有高仰淤灘酌量水平挑切寬深如此則歸江之路暢而南關車邏東注之水自少矣

**硃批**諸凡皆妥如所議行六月高晉陳宏謀言見在南關車邏等壩封土金灣壩加挑新河分泄歸江一律俱已完工自此運河之水不致東注下河諸邑可免西水之患矣唯是下河各州縣境內支河汊港及田間積水向俱滙

入串場河北流二百餘里於鹽城境內之石碓天妃等  
牐歸海道遠紆迴驟難消涸每有西水不至而雨水亦  
積而爲患者查范公隄綿亘六百餘里串場河自南而  
北向建石碓牐十八座每牐俱有引河嗣因洪湖之水  
由高郵各壩東注下河形如釜底水未到牐地已被淹  
是以不暇計及牐下之引河見在鹽城境內石碓天妃  
牐引河寬深由新洋港泄水歸海甚暢又興化境內之  
白駒青龍八竈大團等牐引河於乾隆二十二年挑濬  
由鬪龍港歸海牐水分趨頗資宣泄其餘迤南之丁溪  
小海迤北之上岡草堰陳家沖三牐引河有竟成平陸  
者臣等親往查勘現有王家港水深八九尺至一丈二  
三尺寬十四五丈又有射陽湖寬深更甚請將丁溪小  
海二牐引河疏濬深通順勢再開一引河匯入王家港  
歸海又將上岡草堰陳家沖三牐引河疏濬深通順勢  
再開一引河匯入射陽湖歸海就其阻塞之塗因勢利  
導裁灣取直總以海爲歸宿

硃批甚好應行之事妥協辦理可也二十七年

上三莅江南三月

遣劉統勳兆惠會同高晉陳宏謀前往高寶甘泉運河相度疏  
泄機宜劉統勳等言運河歸江之路自邵伯以下有灣

頭牖壁虎橋鳳皇橋西灣壩東灣壩金灣滾壩金灣六  
牖共七處俱係宣泄湖水由鹽河歸廖家溝石羊溝董  
家溝芒稻牖四河分流下注茲細加查勘如灣頭牖泄  
水最暢壁虎橋河僅長一百餘丈卽與灣頭牖河相連  
鳳皇橋河兩岸陡崖積土甚高難以展寬且該處輒木  
橋三道河面已寬十餘丈足敷分泄唯查金灣壩引河  
係上年新挑該處緊接六牖地居上游而董家溝下注  
宣泄湖河最爲便捷現在滾壩寬五十丈河身寬十五  
丈河底寬八丈尚覺未能暢達又金灣六牖舊有鹽河  
由芒稻牖歸江最爲寬深從前原與金灣壩之水滙歸  
入江去路甚暢今金灣滾壩旣另挑新河六牖金門尚  
存其舊僅寬十丈八尺未免來源過窄又東灣滾壩乾  
隆二十三年落低三尺西灣壩未經并落宣泄不暢臣  
等公同商度將金灣壩新挑引河量爲展寬河底以十  
丈爲率河身下游俱一律挑深金灣六牖向設南中北  
各一牖河頭築隄分爲三路滙歸一處其北牖二門爲  
運鹽要津南中二牖牖底較高應請自中牖迤南添建  
石壩三十丈並將中牖照舊存畱與北牖相隔二十四  
丈牖下土隄再行量爲接築並酌挑引渠以順水勢其  
下注之水旣與鹽運無妨而盛漲之時湖水得以暢達

西灣滾壩照東灣一體落低三尺并於西灣河頭的挑寬深以導水勢謹將現擬建壩挑河處所交地方官插立標誌恭候

聖駕閱視四月

諭內閣曰昨駐蹕蘇城時先命大學士劉統勳協辦大學士兆惠會同督撫河臣將歸江歸海各路詳勘標誌朕迴鑾取道按閱講求指示其在高寶一帶應宣導歸江者自邵伯以下如灣頭牖壁虎橋鳳皇橋等處河身寬展足資分泄准金灣滾壩寬五十丈而新挑引河僅寬十五丈底寬八丈未能暢達應再爲展寬以河底十丈爲率迤下地勢稍仰並一律挑濬深通俾成建瓴之勢又東灣滾壩前年已落低三尺而西灣壩尚仍其舊諸臣議請落低三尺朕量該處泄水情形至爲便捷應將西灣壩再加落一尺共低四尺則平日已有尺水入江循序而進庶可預減暴漲之勢其河頭亦加挑寬深以資利導設遇落水過多運河間有淺澀卽宜將淺處深挖以視小小切堦澇淤從事於河中者不猶愈乎其金灣六牖應拆去中二牖添建石壩接築土隄並量挑引渠以備盛漲湖水自無闕壅之患然此節節處置特爲三湖旁疏曲引起見若其溯原挈要爲釜底抽薪之策則莫如廣疏清口爲及今第一義現在測驗洪湖高堰五壩高於水面七尺及七尺

五寸不等清口口門現寬二十丈當卽以此酌定成算將來俟五壩之水如再增長三尺清口不必議展仍存其蓄清之說如由三尺長至四尺卽將清口拆寬十丈以次遞長則清口以次遞寬總以上壩增一尺之水下口加開十丈之門爲準其或入夏後水勢一時不常旋長旋落則不必以口門旣展急事堵塞以過秋汛爲定逐漸收束清口仍至二十丈或十數丈如此則全湖勢暢以視求助於分支別派者其功豈啻倍蓰哉脫以清口堵拆費工鯁鯁過計獨不思湖水浸溢下流所費更當何似以彼絜此其間輕重大小不待握算而知也嗣尹繼善等奏報西灣壩完工日期及過水順溜情形

報

聞二十八年河臣高晉將金灣河應行展寬挑深并六壩改建石壩各工告竣緣由奏報并言芒稻河舊設十壩向例冬春閉版夏秋酌定水誌啓閉續於乾隆二十三年尚書嵇璜令鹽船由舊越河直達金灣北壩將芒稻壩常行開放如遇水小之年再行相機辦理數年每值冬春下游通泰河流淺涸卽在芒稻壩迤東築壩蓄水直至汛水長發方始開放今金灣南二壩業經改建石滾壩壩面一律落低壩下引河又經深濬與從前形勢不同是伏秋大汛固已暢泄無阻而冬春之際與其在芒稻

三  
插迤東築壩蓄水不若仍將芒稻插每年冬春水小時酌量下版數塊一交夏令汎水將發卽全行開放報

聞二十九年七月河水長至一丈五尺瓜洲迴瀾壩一帶江灘坍塌入江九十餘丈距瓜洲城十一二丈及三四丈不等原有之護崖埽已坍塌成坑難以施工河臣高晉請將新修埽工簽椿壓實並築子堰爲靠及於埽外拋填碎石以資鞏固

硃批止可如此與河爭地已難況與江爭乎三十一年三月總河李宏疏稱儀徵縣通濟羅泗二插因二十九年江水異漲沖擊現今兩插金門倒卸又攔潮等三插橋梁朽壞急應築壩拆修等語下部議行三十一年七月督臣高晉等奏報高郵州運鹽官河南橙子河係各壩下通海引河上年十二月奏請借項興挑今屆完工驗收如式報

聞三十二年三月

上垂念瓜洲江工傳旨高晉將邇年潮汎隄工及現在護沙長落情形確查覆奏高晉奏自乾隆二十九年秋汎內江灘塌卸搶護平穩之後三十年春恭遇

鑾輅臨幸荷蒙

指示機宜臣欽承



聖訓每年於霜降後將舊埽殘缺處所逐一勘估次年桃汛前將應修之工用埽加鑲厚壓重土以禦風浪埽外所下碎石歷經大汛潮汐往來風浪汕刷不無掣卸空虛之處復加填碎石以固根本兩年以來夏秋兩汛均慶安瀾臣去夏赴工防汛親歷該處江溜雖已開行但碎石之外舊有坑塘仍未淤平是以尚未長有沙灘臣擬本年赴工時再加碎石俾坑塘漸平方可望其長灘如果長灘外護即可毋庸收小城垣讓地與水矣五月高晉會同河臣李宏查看迴瀾壩從前切卸處所逐段丈量上段四十五丈離城二三十丈埽外九丈以內水深四五六尺中段二十丈離城四五六丈埽外五丈以內水深一丈餘尺至二三丈不等下段長五十五丈離城二三十丈至八九十丈埽外五丈以內水深一二三丈不等三段共長一百餘丈近年所拋碎石俱護埽根埽外雖未長有淤灘而各段亦未續有坍塌目下大汛經臨請於中段離城最近處長二十丈并下段水深處長五十五丈再行酌量加添碎石俾資抵禦嗣後每年仍隨時察看情形逐漸拋填報

聞三十四年三月李宏奏瓜洲城外迴瀾壩節年拋填碎石現在埽工一律穩固此時可以無須添辦唯迴瀾壩中段

十丈碎石尚覺單薄應酌量加添報

聞五月李宏奏洪澤湖水勢日有增長已將清口東壩陸續開拆至四十七丈宣泄甚暢其山盱仁義二壩現低水面七寸智禮信三壩現低水面二寸因壩上俱有封土未經過水

命軍機大臣傳諭高晉李宏等曰清水勢旺其力足以敵黃且有清口壩可次第展拓節宣原不虞其加長唯在隨時相度機宜妥協經理自於河務有益至五壩原以障禦洪湖之水不令溢出所關於下河者甚大現在水勢較壩頂轉高恃有封土遮攔若水再加長以上障水恐不足以當風浪朕意與其年年加土不如將壩頂石工酌量加增令其高出湖面似亦一勞永逸之計著高晉會同李宏悉心籌度如果可行亦不必急於鳩工俟將來或有以工代賑之時酌量辦理於事自屬兩便若封土之制或以防洪湖異漲卽大展清口仍恐不及宣泄畱此備臨時暫啓以殺壅盛之勢五壩石工不便再行加高又當詳查歷年水勢策及萬全該督等務卽熟籌妥酌將該處實在情形詳悉具奏尋奏洪澤湖內每年霜降水落之時壩頂原高出湖面八尺五寸及九尺不等一交大汎水勢長發陸續長至八尺五寸及九尺方與各壩壩頂相平如再增長卽屬有餘之水應須早爲減泄

歷查從前乾隆七年十一十八二十等年俱長至一丈五六尺近於乾隆三十年三十二年湖水長至一丈二尺一丈五尺五寸東西壩加展六十七丈七十二丈之寬清口全行啓拆而五壩過水三尺餘寸下注之水由高寶河湖分泄入江高郵一帶尚可容納南關車邏等壩俱未開放下河各州縣屢獲豐收今若將山盱五壩壩頂加增令其高出湖面尋常水勢年分原無他慮設遇伏秋大汛清水異漲或值黃水同時並長誠如

**聖訓**卽大展清口仍恐不及宣泄則高堰一線縷隄恐難容受

臣等熟籌似應畱此用備臨時暫啓以殺壅盛之勢其壩頂封土之外臨湖一壩酌添柴柳防風以當風浪如水高壩頂一尺數寸則藉以擋禦若再增長則聽其分泄庶蓄泄由人節宣有制水勢中小之年固可資其收蓄儻遇異漲清口宣泄不及亦得備以分泄而逐漸過水如在三尺上下高郵各壩俱可不開下河總無妨礙

**硃批**如所議行此原非急事爾等司河之人自應所見如此三

十五年八月李宏奏江潮水勢正當大汛瓜洲城外迴瀾壩逼近城垣又值西南風暴甚大所有迴瀾壩殷家莊等工拋填碎石摟護之處一律穩固唯迤西大莊一帶無工舊子堰接連查子港埽工風浪衝掣塌去八十

餘丈崖外水深六七八丈該處離城尚有五十餘丈並無妨礙現已塌定臣飭該管道廳營弁將沿江子堰照舊補築報

聞三十七年十一月兩淮鹽政李質穎言運鹽河自金灣牐起歷江都境而至泰壩之天池九十餘里爲淮南引鹽必由之路年久未挑河身淤澱又此河北岸有孔家涵洞一座分泄河內西來之水北入艾陵湖因口門過大宣泄太甚水小易致河內淺隘水大又易淹浸涵下民田前因河內淺澀將涵口兩頭鑲築土壩收小口門設版啓閉該處民人深以爲便臣等公同酌議土壩終非久計若設立石牐則蓄泄由人鹽運田疇兩均有裨益運鹽河計長一萬五千二百九十二丈以見在水面挑深九尺爲準孔家涵建單孔石牐一座金門寬二丈二尺高一丈二尺各商請借支鹽課辦理分作二年歸欸

命軍機大臣傳諭高晉曰據李質穎奏金灣牐下至泰壩之天池有運鹽河一道河底淤墊重運難行各商請借鹽課挑濬分作二年歸欸已如所議行矣唯閱奏到河圖內有孔家涵口門擬建石牐一座之說其意以下游各處水大易於淹浸因欲將石閘堵束以資利便不知牐座專爲蓄水而設若河身水淺時下版瀦流不使乾涸原可得其節省之力卽如山

東一帶運河及兩岸水櫃各湖牐座皆以留不足之水勿使輕注下游並非防有餘之水令宣泄來源也今該鹽政欲建牐以禦盛漲尚未識行水關鍵蓋當奔湍直下雖堰壩尚不能支豈牐門數片之版所可抵遏並恐因置版受阻勢必潰溢橫行轉致有損無益不可不慎之於始已用硃筆點識圖內高晉於河工事宜最爲練悉著將原圖寄交高晉閱看令其將應否建牐及當如何另爲籌辦之處詳勘妥議據實覆奏到日候朕另降諭旨並令李質穎知之尋奏李質穎擬建石牐一座因該處爲鹽河之分流下注之水入艾陵湖由高郵之三垛河泰州之蚌涎河興化之官河匯注串

場河出范公隄各牐歸海其上游金灣牐下之水由人字河分流東注來源雖多去路甚廣每遇水小之時泄水過多鹽河易淺該涵河頭本有涵洞一座年久損壞未修日漸刷寬向做草壩裹護其實重在蓄水不在宣泄也每年春夏水小之時在鹽船欲蓄以濟運而涵外民田又藉此注下之水灌溉從前曾於涵口築壩未幾輒被偷挖故鹽臣欲建牐蓄水啓閉由人實爲利便而未會分晰聲明一似建牐以禦盛漲致奉

諭旨垂詢臣查該處分泄鹽河之水去路本廣卽或水大之時上有芒稻牐南有秦潼白塔白汊等牐均可分泄歸江

不致淹溢下游民田今若建牘既可免泄水過多之患亦可省築做草壩之煩以時啓閉操縱由人於鹽運田疇均有裨益

硃批如此詳奏自係應舉之工三十八年四月高晉吳嗣爵等奏湖水盛長將義智二壩封土啓除聽其過水於高寶諸湖

命軍機大臣傳諭曰洪湖驟漲於清口暢開之後勢仍未減自應酌啓滾壩以資分泄但泄下之水歸於高寶諸湖未知尚能容納有餘不致溢及下河一帶否甚爲厪念至湖水宣泄過多亦恐勢弱不足以敵黃於河務機宜尤關緊要今天氣旣已晴定連日湖水並未加長又當酌量情形預爲節省之計卽將義智兩壩築土封固勿令宣泄方爲合宜著傳諭高晉吳嗣爵相機妥辦仍將啓壩時高寶諸湖形勢若何及現在作何辦理之處迅速覆奏尋奏本年湖水驟漲至一丈四尺八寸山圩一帶隄工堪虞清口暢開之後勢仍未減隨將義智二壩封土啓除泄下之水歸於高寶諸湖由邵伯至金灣東灣西灣鳳皇壁虎等河達江各湖底水本小自開壩之後二十餘日各湖僅長水尺餘及八九寸不一容納有餘高寶運河水未加長南關車邏等壩歷年封土高與隄平時尚出水五六尺不等至爲穩

固至湖水宣泄過多恐勢弱不足敵黃查歷年水勢洪  
湖存水八尺卽足敵黃五壩水勢在八尺五寸及九尺  
以上卽屬有餘之水聽其減泄水平壩脊卽行斷流近  
年因湖水微弱黃水易於倒灌是以一律封土臣等前  
於初次請折東西壩口門四十丈時欽奉

諭旨所辦是但長水旣早恐夏秋反至黃盛而清弱此在人時  
刻留心隨時啓閉總以清口朕所定水誌爲準想不致大差  
臣等欽遵

聖訓時刻留心目下湖水仍存一丈三尺二寸水勢尚大俟再  
消一二尺卽將義智二壩封土並將東西壩收束報

聞五月高晉奏臣查勘山盱義智二壩下注之水先至寶應湖  
以達高郵邵伯湖由三溝插入運邵伯湖自山盱滾壩  
過水以後增長三尺七寸連底水共存九尺九寸尚不  
甚大由運河東岸之金灣東灣西灣鳳皇皇橋壁虎橋灣  
頭壩等河入廖家溝石羊溝董家溝芒稻河歸江各河  
俱屬深通唯芒稻壩金門七孔中孔過水五尺五寸其  
餘各孔因壩底淤墊過水僅一二尺應一律挑深又芒  
稻迤東之人字河向因水小之年築壩以濟鹽運本年  
運鹽河奏請挑濬水勢深通無須攔禦先已折壩分泄  
但兩頭壩基尚未除盡亦應挑挖如此則歸江之路處

處深通無阻矣報

聞四十年五月高晉奏洪湖水勢若長至九尺以上每遇風浪搏擊水過隄頂人夫不能站立風浪過後石上眉土多致汕掣隄面浪拍之水不無停積

上意莫若將高堰隄工加長尺餘則雖遇盛漲不虞水長冲刷隨

詢以該處湖水是否原不容長至九尺或可酌定水誌勿使長至九尺抑或洪湖蓄水不宜過弱九尺以上尚係應存之水令高晉等據實覆奏尋奏從前高堰建築仁義禮三壩水長至八尺五寸及九尺以上任其過水又有天然二壩微

底開放乾隆十六年

聖駕南巡親臨指示以天然二壩泄水過甚下河難以容受應永行堵閉添建智信二壩以泄有餘之水仍在新建石壩之上加封浮土俟仁義禮三壩過水三尺再行次第啓放此洪湖原定水誌之章程也乾隆二十七年復承

睿謨廣運大展東西二壩使湖水多由清口暢出會黃歸海其五壩仍循舊制分泄自三十年以後因清弱黃強每致倒灌將仁義禮三壩亦照智信二壩之制酌加封土以期蓄清禦黃上年九十月間洪湖誌椿雖長至一丈一尺四寸仍係黃河倒灌日久引河淤墊湖內停積聚長



尚非淮河來水之過大冬間陸續消落一尺餘寸尚存九尺二寸今春藉以禦黃濟運臣等又慮底水過大將來大汛難以容受故於五道引河內將水淺之張家莊裴家場二道撈濬并將清口東壩展寬刨挖到底湖水已消落一尺三寸現存水七尺九寸暢流下注此見在隨時辦理之情形也今奉

聖訓垂詢

或可酌定水誌勿使長至九尺如洪湖蓄水不宜過弱不便輕議過減或將高堰加高尺餘可資永固臣等查洪湖歷年水小則在一丈以內水大則長至一丈三四五尺不等不能預定水誌勿使長至九尺唯仁義禮滾壩石脊原係泄八尺五寸九尺以上有餘之水水壩壩脊而止近年封土本屬一時權宜並未著爲定例嗣後應仍恪遵乾隆十六年

欽定水誌

只將智信二壩封土如遇盛漲酌開其仁義禮三壩毋庸封土俾洪湖有餘之水聽其分泄而下游高寶諸湖三壩過水在三尺以內容納有餘亦不致爲下河之患至高堰臨河輒石工綿長百有餘里每年舊工或被風浪撞擊塌卸數段歲所常有亦不過百分之一二因大隄寬厚水性堅凝摟護即可平穩卽再加高尺餘風浪亦不免撞擊似可毋庸通體議加

硃批覽所奏情形畧慰亦不必更張多費矣七月

上因吳嗣爵奏瓜洲城外迴瀾壩及大莊等處拋填碎石現在擁護埽根甚爲穩固毋庸再爲添辦而高晉前此陳奏碎石藉以擁護城根相沿已久仍應照舊辦理若如吳嗣爵所奏停止之後萬一江潮復有沖嚙侵及城根又不免將來之另辦

諭高晉將此項碎石工程詳加查核是否可停及應照舊辦理之處據實覆奏尋奏瓜洲城外迴瀾壩自乾隆二十九年七月因江水盛漲逼及城垣臣奏明將外面塌卸坑塘拋填碎石並未續坍近年以來有稍爲添補者有並未添拋者本年江水安瀾各工所拋碎石甚爲穩固是以未經添辦原非永行停止河臣吳嗣爵所奏止言埽根穩固已有成效毋庸再爲添辦未將嗣後仍須隨時相機保護之處分晰聲明第坍漲靡常萬一復有沖嚙誠如

聖訓又不免將來另辦所費更大是江工拋填碎石自不便輕議停止報

聞四十年閏十月撫臣薩載奏江省被旱情形

命軍機大臣傳諭高晉吳嗣爵等曰高郵寶應等處地屬濱湖易資灌概何亦一例被旱歉收前因下河地方低窪易致淹

浸是以令將五壩堵閉不輕宣泄勿致有礙民田若當夏秋  
缺雨之時稍減洪湖之有餘以濟下游之不足於事實爲兩  
便與其令湖水暢出清口徒爾滔滔歸海何如酌計尺寸分  
潤下河之爲愈乎高晉等平日但視洪湖爲蔽黃之資而不  
知其可爲濟旱之用故未嘗計及於此自屬缺畧着傳諭高  
晉會同吳嗣爵薩載畱心籌核嗣後或遇下河高寶等州縣  
稍旱之年如何酌計分寸開放插壩以資灌溉之處悉心妥  
議預定章程以聞尋奏嗣後高堰誌椿如長至九尺以上仁  
義禮三壩應聽其過水下注高寶諸湖以爲儲備遇稍  
旱之年洪湖水小誌椿在九尺以下石脊不能過水而  
高寶諸湖之水充裕沿湖西鄉地畝足敷沾溉卽先將  
西岸各港口酌開數處灌注入運河東岸除南關車邏  
等大壩非遇異漲之年仍不輕易開放其餘各插壩涵  
洞均須相機啓放分潤下河總以存水五尺爲度以濟  
漕運多餘之水則儘歸下河以資灌溉未幾高晉等奏  
五壩被風浪掣開三壩已督率防護無虞并稱卽赴清  
口查勘酌放湖水分潤下河

諭曰此事辦理已遲五壩定誌不令過水原指尋常保護下河  
而言如今年高寶一帶夏秋缺雨民田灌溉無資自應酌量  
機宜稍減洪湖之有餘以濟下河之不足於事實爲兩便且

使早爲開放何至有掣開三壩之事乎高晉等實不免拘泥成例不知變通而此際始議分潤下河爲時較晚民已不能資其利高晉等今年辦理之誤不可不知但現在悔已無及嗣後當引此爲戒四十一年六月瓜洲城外查子港工迤下殷家莊接連迴瀾壩江岸於初十日坍陷入江約長一百餘丈寬四十餘丈西南城牆塌去四十餘丈督河諸臣會奏請將城垣收進讓地與江自西城根起斜自南城根止計長一百一十餘丈自外至內寬五六十丈四十二年八月

命軍機大臣傳諭高晉等日聞淮揚一帶運河久未挑濬河身逐漸淤高不特有礙漕船或遇水大之年河淤則易致泛溢所係甚大著傳諭高晉薩載卽速將淮揚運河逐段查勘測量有應行挑濬者速卽確實勘估一面擇日興工一面奏聞不可稍存惜費之見致有貽誤務使河身一律寬深期於運道民生均有裨益尋奏臣等會同一路親勘逐段測量上自河口三壩下至寶應交界計程一百餘里現在水深一丈三四尺不等寶應交界起至高郵一帶計程一百四十餘里現在深者一丈有餘淺者五六七八尺不等兜灣處所兩腮淤有灘嘴其邵伯以下至瓜洲江口計程一百餘里兩岸本無隄防水深八九尺至一丈一二尺

夏禮折九尺元  
卷之二十一  
言  
不等就目前水勢而論兩岸隄工尚高出水面三四尺至六七尺不等容納有餘漕艘亦足資浮送一至冬春水小則現在深五六尺者又須消落一二尺便覺淺滯但似此淺者不過間段七八處長亦不過數十丈至百餘丈不等似可無庸大興工作臣等酌議凡有淤淺及河形灣曲處所淤出灘嘴圈堰挑挖卽將挑起灘上加培兩岸卑薄隄工又寶應地方舊有宏濟石牖一座牖門僅寬二丈四尺水行至此爲之一束未免阻其暢流之勢以致下游河底積沙未能暢刷兩腮淤土亦難滌除此牖建自前明久無啓閉今擬照雙金牖六漫牖折除之法將牖牆折去河面展寬則水勢可以暢行下游浮沙易刷如此淺者深之曲者直之阻礙者起除之庶河身河底可望日漸寬深再西岸寶應諸湖較低運河水面數尺舊有三里溝滾壩原係分泄運河盛漲之水年久損壞乾隆三十九年堵閉不敢輕開恐致掣溜今擬於三里溝之上添泄水牖一座又三里溝之上舊有減水牖一座牖牆亦損不能開放泄水亦應估修以備分泄入湖則上游暴漲之水可減又運河西隄至三溝牖而止牖外有通湖港一道湖水滙入運河是運河之水至此又未免爲其堯阻應將通湖港堵閉使湖水由

重刊水尺示  
卷之二  
三  
靠裏之二河分流入運歸江亦可免運河下流壅遏之患其運河東岸各牖洞俱屬完固唯黃浦舊牖牖底敲裂亦應修整以資啓閉如此則兩岸節宣有路卽遇水大之年亦可無虞泛溢

命軍機大臣傳諭曰高晉等覆奏查勘淮揚運河籌酌辦理情形自應如此隨宜妥辦至所稱西岸寶應諸湖較低運河水面數尺擬修牖座以備水大時分泄入湖又稱應將西隄之通河港堵閉使湖水由靠裏之二河分流入運歸江等語所奏殊未明晰寶應諸湖在運河西岸本爲瀦水之區且高堰五壩減下之水亦必歸入湖內設遇盛漲之時不能不有虞

宜泄勢必由運入江並無經行歸江之水今稱寶應運河湖高於湖水大時必須泄入湖內竟似以寶應諸湖爲運河泄水之地又云湖水由靠裏之二河分流入運歸江則是湖水仍不得不由運入江矣何以在寶應則河高湖低轉藉湖以納水又自何處復湖高於運河水得以由運河而歸江其故殊未深悉或向日情形卽係如此抑係近年來寶應運河獨自淤高故爲此通融遷就之計均未詳悉聲明難以懸定朕已於摺內用硃筆點記著傳諭高晉薩載卽將淮揚一帶湖河高低形勢確切繪圖並將某處運河深淺若干丈尺及何處泄運入湖何處引湖入運以歸江之路逐一詳細粘簽據

**實覆奏**尋奏西岸寶應諸湖周迴三百餘里湖面寬濶水勢

一律相平而運口以至瓜洲計高十四丈有奇北高南下勢若建瓴是以三溝牖之外不設隄防下游邵伯一帶湖河相通向來形勢卽係如此并非近年遷變臣等測量寶應運河水深八九尺至一丈一二尺河面高湖面一丈二尺汜水汛運河水深六七八尺河面高湖面六尺七寸永安汛運河水深六七尺河面高湖面五尺五寸迤下六漫牖至萬家塘一帶河面高湖面四尺五寸及二尺九寸一尺八寸不等迨至高郵一帶運河水深五六七尺河面高湖面三四尺

牖通湖港一帶則湖面高於河面自二寸四寸一尺不等此高郵以下河高湖低高郵以下湖高河低之實在情形也其湖水歸宿之路溯查從前水大之年一由高郵以下西岸通湖二十四港口入運從東岸南關五里車邏昭關等壩泄入下河歸海一由西岸三溝牖之通湖港及邵伯鰍魚等港入運從金灣東西灣鳳皇壁虎橋等處歸江後因歸海路紆下河易致淹沒仰蒙

**皇上聖謨**廣運大展清口使洪澤湖清水會黃東注歸海山盱

五滾壩一律封土每年酌量啓放故高寶諸湖存水較小南關車邏等壩久經封閉卽西岸通湖各港亦俱堵

塞現在湖水止由三溝牖迤下之邵伯通湖各港入運  
二十年來形勢頗為順利臣等前請將三溝牖迤下通  
湖港一道築壩堵閉使湖水由向裏二河行走至邵伯  
西岸各港入運仍從金灣等牖下注歸江其去路原未  
改易止令湖水從靠裏二河之鰍魚各港入運距三溝  
牖較遠俾三溝牖以下運河水勢至此不為湖水橫衝  
堦阻則運河上游之水迅行於湖水歸江之路仍無阻  
礙至寶應西岸修建牖座之處臣等因淮揚運河綿長  
三百餘里遇有盛漲一綫運河下注不免壅潰查運河  
東岸牖座水大時下河民田形如釜底未便將河水泄  
入唯有西岸寶應臨湖一帶河高於湖面數尺儘可宣  
泄查從前原有竹絡壩三里溝滾壩及減水牖等處分  
泄運河有餘之水近因年久損壞是以酌請於三里溝  
上下修建石牖二座以備減泄

**硃批**

此奏甚明十一月高晉等奏估自裏河交界起至揚河揚

糧一帶兩岸河形灣曲處所添出灘嘴計有九十八段  
共長九千五百餘丈均須圈堰挑切挑起之土幫培兩  
岸隄工其寶應宏濟牖折除兩牆展寬河面兩頭應煞  
築壩工又東岸黃浦牖西岸瓦甸減水牖年久損壞應  
行折修葉雲洞並須改建雙孔石牖以備節宣再三溝



通湖港築做草壩攔截湖流使運河水勢暢行更  
可以水刷沙報

聞四十四年四月

上以豫省漫工未能速竣伏秋大汛下注清水必更盛長當實  
力籌備傳

旨薩恭奉翰將清口東西壩及早展拓不必拘六十丈之誌  
務使洪湖不致加長下河得免漫溢尋奏洪澤一湖周迴二  
百餘里每年伏秋大汛其去路總以清口爲咽喉五壩  
爲旁泄自乾隆二十七年酌定長水尺寸折展清口壩  
工宜泄暢利其山盱五壩非遇盛漲之年未致全行啓  
放上年因清黃並漲又值豫省漫溢之水由淮入湖清  
口宣泄不及始將山盱五壩全開原屬萬不得已之舉  
苟來源日減分泄有路在五壩當以不開爲愈今豫省  
漫工若於伏汛前合龍黃水不致由淮入湖則現在大  
展清口足資宣泄毋庸多籌去路倘豫工不能速竣伏  
秋大汛清水必更盛長誠如

聖諭自應實力豫籌清口東西壩連壩基共寬八十二丈臣等  
已遵

旨陸續拆寬六十丈其餘二十二丈亦在拆創第盡數拆展後  
湖水若仍加長又不得不籌及山盱五壩分泄之路況

各壩地處上游淮水入湖先經五壩而後由高家灣一帶出清口今高家灣三堡地方雖已開隄分泄不能過寬較之五壩共寬三百二十丈出路尚不及十分之一目下高堰誌椿已長至一丈二尺三寸此後大汛難免續長臣等公同酌議山盱五壩與其於盛漲時全行開放莫若預開一兩壩使湖水循序下注高寶湖人運歸江四十一年曾經開放三壩下游儘可容受今開放一兩壩尚無妨礙如洪湖水勢由此平定則所餘三壩即可毋庸再開設或有長無消則三壩內尚須開放一二壩以資宣泄倘或下游歸江不及則運河東岸各壩又必喫緊臣等卽將車邏昭瀾等壩酌開一二處使之源泉歸海下河州縣亦可不致漫淹之患此皆萬不獲已之計若洪湖未至盛漲臣等亦斷不辦及此報

重修揚州府志卷之十二

重修揚州府志卷之十二

河渠志五

乾隆四十五年四月

高廟南巡

親臨高堰武家墩閱視臨湖輒工

命薩載等將石工庫矮處加高其原舊輒工均改用石料以資

鞏固七月總督薩載總河陳輝祖等奏睢寧縣郭家渡

漫口之水分流下注統歸洪澤湖請將清口東西壩大

加拆展如湖水再長即將山盱五壩酌開一二壩騰空

湖面其高郵迤下歸江之金灣等厝亦應先後開放使

運河之水暢泄歸江高寶之水次第入運不使驟長爲患

諭曰此亦不得不如此辦理但下河關係民田設遇盛漲亦當慎之又慎不得已始歸放下河總之少放一分則下河少受一分之累薩載等當慎重妥辦四十六年總河李奉翰奏六月十八九日暴風大雨揚屬各工紛紛具報掣塌危險查高堰誌椿已長至二丈四尺一寸臨湖甄石工塌卸三百三十一處共長三千五百六十餘丈山盱義智信三壩先經次第開放今仁禮二壩封土亦被風掣通寶應高郵邵伯湖半月以來長水三四五尺及二三尺不等臣與督臣將運河東岸之車邏昭關二壩酌開一壩以資宣泄但今山盱五壩全行過水恐非一二壩所能分減若宣泄不及再將南關五里酌量放一壩清口東西壩前已拆八十丈十八九日又衝塌三十二丈共寬一百三丈

命軍機大臣傳諭曰五壩全行過水恐高寶諸湖水日加增非車邏昭關一二壩所能分泄現在察看形勢如果宣泄不及再將南關五里等壩酌啟一壩俾河湖之水由范隄各壩歸海亦不得不然之計第插壩泄水過多下河民田被淹者更復不少不知目下水勢已定否南關一壩尙未開放否時伏

汛雖過而秋汛又屆正當緊要之時該督等務須督率工員加意防護毋致疎懈尋奏洪湖之水既已漸消南關五里等壩可毋開放四十九年四月

### 高廟南巡

親臨高堰閱視

命將隄頂加高培厚工程入於次修辦理五十年三月

諭薩載李奉翰曰自陶莊開放引河以來河勢趨北今昔情形不同現在高堰之水較地高若干尺淮安之水又高於地若干詳悉查明以聞尋奏現今洪澤湖及運河水勢正當極小之時高堰誌椿存水二尺四寸大隄高於水面一丈六

尺六寸高於平地一丈七尺六寸內外比較現在高堰湖水計高平地一尺淮安運河中泓現深一丈四五六尺不等大隄高於水面一丈三尺四寸高於平地一丈五尺內外比較現在淮安隄內平地計高運河之水二尺九寸臣等伏思高堰大隄爲淮揚保障從前隄身卑薄康熙四十年修築高堰堵塞六壩雍正八年增修甄工乾隆十六年至今疊荷

### 聖恩修築

石工數次盡改甄工爲石並將土隄子堰一律增高培厚其天然壩永禁聞放仁義禮智信五壩相時宣泄并

欽定水誌於伏秋汛水盛漲時大展清口使湖水暢出歸海少由滾壩泄入高寶諸湖高郵南關車邏等壩免於啟放下河數州縣沮洳之區盡成沃壤至乾隆四十二年開挑陶莊引河以後黃水無虞倒灌運河全係清流河身刷滌寬深故洪湖卽遇盛漲不致驟壅爲患矣是年運河水小八月巡漕御史管幹珍奏臣查催漕船往來湖干諸湖隄堰牖座涵洞俱存或湖深而支河不通或湖干存水不多亦有竟至於涸者請令各該管地方將舊有支河隨時疏導無使堵塞淤高

上可其奏并

諭薩載李奉翰以淮揚運河專恃洪澤湖淮抵黃以濟運而射陽汜光巖社邵伯諸湖之水滙之應如何籌辦之處據實以聞尋奏黃河以南之淮揚運河自運口至瓜洲地形北高南下專藉洪湖爲來源向慮水大不慮水小今歲洪湖未曾發水實爲多年未有之事西岸之寶應汜水高郵邵伯諸湖皆承受本地雨水並洪湖盛漲由山盱五壩分泄之水滙歸於湖由西岸十四港口入運從東岸南關五里車邏昭關等壩泄入下河湖蕩歸海近年仰蒙睿謨廣運如遇洪湖盛漲悉由清口東注山盱五壩高寶諸湖水勢甚小東岸之車邏南關等壩堅閉不開下河民田

永無水患西岸通湖各港因河高於湖俱經堵閉亦不使運河之水分泄入湖惟邵伯迤下湖高於河湖水由西岸以內通湖之二河鰍魚各港入運分注金灣六閘等處歸江東岸則下河一帶形如釜底當藉運河之水由各牯洞分泄下注灌溉民田所有兩岸牯座外高內窪皆以備運河之分泄並不藉支港而入運總因本年雨澤稀少處處湖河水小多藉長河之水分潤以致運道淺滯非湖深而支河不通亦非湖淺而容納無地是淮揚運河止有分泄之路並不藉傍湖支港濟運之實在情形也九月鹽政全德籌辦鹽河請將六牯至泰州

此一百二十里內所有白塔等三河與江水相通之處其支港一切堵閉以防分泄專引江湖濟運如江湖低落不能灌入則將通江之處及六牯通運河之處一齊堵閉僱民戽江水灌河可以瀦蓄常滿至泰州以東至草堰一百五十里請將東臺海邊護隄牯座開放則海潮來時可比此河高一二尺不等亦可直灌入河以抵

泰州

上可其奏十二月

上因阿桂前在清口時定議將黃水築壩煞住挑渠放水各事傳

旨詢問薩載李奉翰等現在辦理情形尋奏揚州三溝牐運河及裡河濟運壩暫行開放之處前於十一月回空漕船全數過黃之後奏聞將各處壩工先將兩頭壩基築成中畱口門俟漕船全行出江卽行堵閉茲邵伯三溝牐迤上周家莊地方估築壩工現在開工築做中畱口門三丈并因山清高寶一帶地勢高下建瓴若僅築一壩難以攔禦水勢復於寶應南樓適中地方添築壩工一道亦畱口門三丈嗣鹽政臣全德以鹽船由通泰出六牐入運若將三溝牐迤上運河堵截揚州一帶無水下注儀河或於高旻寺旁三汊河迤下先築攔河壩使北來之水全歸儀河一俟長有四尺餘寸再於三溝牐築壩庶鹽船得以行駛此時回空尾幫已過揚州俟全出江口卽一面啟放清水一面將上下各壩堵合五十二年七月總督李世傑等奏六月二十二三等日大雨如注洪澤湖內雨後復長水一尺二寸連前其長水一丈五尺山盱五壩封土現仍實力堅守其運口以外束清壩已展寬五十餘丈禦黃東西壩其展寬二十餘丈

命軍機大臣傳諭曰前因黃水盛漲清水弱小朕洞悉盈虛消長之理知清水必有盛旺之時會諭令李奉翰等於高家堰一帶隄防工段先事熟籌慎之又慎今湖內現已陸續增長



高堰誌椿長有丈餘果不出朕之所料該督等更宜時刻畱心應將禦黃東西壩再加展寬十餘丈俾清水暢流有力既可刷滌浮沙而又不致壅遏生患方爲妥善不可膠柱鼓瑟第拘泥蓄清之說也至山盱五壩雖應堅守但上年亢旱日久高寶諸湖俱經乾涸足資容納朕意若將智信二壩開放俾清水宣泄入湖預備將來水小時濟運足資儲蓄似更有益該督等相度機宜酌量辦理不可固執亦不可遷就也李世傑等復奏自六月二十八日起至七月初二日止河水又接續加長連前共長至一丈三尺餘寸暢出清口之勢既大分注淮揚運河之水亦覺驟湧禦黃東西壩後加拆展口門共寬五十餘丈其山盱五壩內先開之義字一壩尙不足以資分泄復將智字壩封土啟除過水又

諭曰朕早慮及今年湖水必有盛漲之時曾諭令該督等將山盱五壩內先開兩壩以資暢泄今兩壩已經開放過水下游高寶諸湖儘可容納而湖水仍有加長之勢若再將仁禮等壩開放又恐宣泄過多下河一帶民田受淹於小民生計亦大有關礙此數壩尙應堅守朕意若清水再長莫若將清口東西壩口門再行拆展俾清口暢出毫無沮滯既可將淤墊浮沙刷滌淨盡而下河田禾不致有礙更爲兩有裨益再濱臨

運河之車邏等壩朕屢經臨視洞悉情形亦應加土謹守不可令其過水淹及下河民田該督等務宜相度機宜妥協辦理以副朕意李世傑等復奏山盱五壩減下之水下游高寶諸湖本可容納臣等先將運河東岸凡有歸江之路如昭關金灣東西灣灣頭芒稻等壩壩及鳳凰壁虎等橋全行開放過水其歸海之南關車邏五里中壩新壩原不輕易開放嗣因運河西岸上游五孔橋周莊兩處漫口掣溜下注總由白馬湖以達寶應高郵諸湖各湖水勢異常滙注高郵境內湖河連成一片逐日加增已先期曉諭下河居民預爲遷避並將下游溝港引渠疏通圩岸亦加高防護茲雖續將東岸各壩開放而河湖之水仍在有長無消東岸隄工僅出水一尺餘寸南關等壩開放之後雖循序下注較之驟湧沖掣之勢固緩但地形窪下不但頂衝之高寶民田受災卽江甘等縣沿河低窪居民田畝盡被水淹

論曰前當清黃并漲時該督等廣籌分泄將仁義禮智信五壩及南關車邏等壩盡行啟放以資宣泄朕早慮及減下之水下河一帶必有被淹會諭令該督等妥爲查辦撫卹今據奏稱五壩南關等壩開放之後不但高寶兩州縣民田受淹卽江都甘泉等縣亦具報沿河低窪民居田畝盡被水淹等情

應卽一體詳查撫卹毋致失所又

諭曰該督等前因洪湖水勢浩大將仁義禮智信五滾壩全開過水又恐五壩減下之水高寶諸湖不能容納將南關車邏等壩封土全行啟除俾湖水下注當洪湖盛漲自不得不廣籌去路以資宣泄但一過秋汛湖水自逐漸消落又應將各壩以次堵閉儲蓄清水倘宣泄過多清水弱小不能敵黃來年恐又有淺阻之虞不可不早爲慮及也尋奏近日高郵南關車邏五里等壩水已平定東岸隄工得保穩固將來堵閉各壩料物臣等亦預爲籌備一俟水勢消至應堵之時卽相機收束閏七月阿桂等奏高堰誌椿現尙存

水一丈一尺五寸目下節過白露水勢消多長少不可不預籌收蓄查山盱五壩分泄之路統計共寬三百二十丈應速行堵閉已定於本月二十五日開工堵築限二十日堵竣其束清禦黃壩向來拆展極寬時束清壩不過五六十丈禦黃壩不過一百一二十丈本年束清壩口門寬一百十五丈禦黃壩口門寬二百八丈卽運口頭二三壩亦被水冲刷無存未便仍照往年於霜降後始行辦理自應與運口各壩趕緊補築以資攔蓄已定於八月初一日開工限四十日堵竣又高堰山盱一帶臨湖大隄伏秋以來閒有浪掣數十段每段長數丈

及十餘丈不等又高寶邵伯一帶今秋湖河連成一片  
西岸臨湖石工爲風浪所掣亦多坍卸將來水落時亦  
應一律修補

殊批築隄衛民豈可惜費但期實工實料勉爲之五十二年六  
月李奉翰等奏湖水加長束清禦黃二壩已大加拆展  
而湖水仍有長無消則山盱五壩與其盛漲時全行開  
放似不若預啟一二壩使湖水循序下注由高寶諸湖  
入運歸江

命軍機大臣傳諭曰此係李奉翰預爲占地步之計斷不可行  
已於摺內批示矣從前下河一帶年年被水田廬淹浸小民  
生計可憫是以高晉任總河時總以謹守五壩爲要而未思  
拆清口之束水壩是以有二壩之決裂也朕於壬午年南巡  
指授機宜立定水誌山盱五滾壩非遇盛漲之年不可啓放  
以保下河民廬田畝上年因五十年春夏亢旱日久高寶諸  
河俱經乾涸是以令該總河等酌量情形或將智信二壩酌  
量啓放俾清水宣泄入湖以便將來水小時濟運之用嗣因  
湖水盛漲各處隄工漫溢經該總河等將五壩全行啓放泄  
水此係萬不得已之計本年江南各屬春夏之間雖雨水稠  
密河湖水勢俱有增長情形朕意應將清口東西兩壩口門  
再行拆動俾湖水東注暢達歸海其山盱五壩仍應謹守今

重刊揚州府志 卷之十二  
據李奉翰奏若預啓二壩後湖水循序下注由高寶諸湖入運歸江上游自可免驟壅之患但此雖一時權宜之計萬一淹及下河民田其害甚大非所以仰體朕軫念民依之意著傳諭該督等此時應再將清口束清禦黃二壩大加拆展以資暢注山盱五壩封土究不可以輕易拆展爲是如果湖水盛漲宣泄不及實有不可不啓放一二壩之勢該總河等臨時再行酌量情形奏聞辦理將此傳諭李奉翰并諭李世傑知之尋奏本年湖水加長逾誌先將束清禦黃二壩大加展拓因湖水有長無消復將兩壩全行拆除其山盱五壩原令謹守勿開下游運河東岸之南關車邏以及五里中壩昭關等壩封土更令倍加防護迨至五月望後湖內水勢加長未已臣李奉翰不得已將智字壩開放臣李世傑書麟到工察看情形高堰誌椿長至一丈二尺七寸湖心猶在飽滿由運口而入裡河之水亦大已有不能容納之勢臣等商酌復將禮字壩開放核計兩壩過水無多下游高寶諸湖尙能容納現由邵伯以下入運歸江甚屬通暢其南關車邏五里昭關等壩封土未動就現在情形而論五壩雖開兩壩於下河民田實無妨礙報

聞是月豫省睢州下汛十三堡漫工過水其水從渦淝等河下

注淮河匯歸洪澤湖李世傑等奏十五日西北風暴作兼之大雨如注高堰石工間有塌卸信字壩已被風浪掣通過水仁義二壩外面防風掣去內戩僅存此後湖水長落未定下游高寶諸河之水較上年尙小六尺五寸下注之水可以容納其高寶一帶東隄各壩務必保護不使下河復被水患

諭曰湖水驟長現在下游高寶諸湖雖尙可容納但山圩五壩封土原不可輕易拆動今旣將智禮信三壩已先後開放所有仁義二壩及車邏等壩務須敬慎保護倘或湖水盛漲宣泄不及實有不能不啓放之勢該督等又不可泥於遵旨隨時酌量相機啓放然下游一帶民田廬舍所關甚大不可不預爲籌及設或將來必須啓動之前卽先行曉諭該處民人早爲遷避並將秋禾及早收割以免淹漫之患該督等務實力妥辦以副朕軫念民依之至意八月李奉翰奏寶應高郵風暴之後臨湖輒石舊工塌卸多處東岸大隄卒保穩固其高郵以下三十里堡起直至三里溝牯西隄石工俱有漫塌三溝牯至邵伯迤下六牯西岸本無隄工湖水直抵大隄查東岸隄工內仲家莊漫水一處四堡營房頭漫水一處周家溝迤下漫水一處各寬五六十丈黑魚塘漫水一處寬四十餘丈漫下之水均入淥洋湖

荇絲湖由山陽湖達官河并得勝湖從串場河出范隄  
丁溪小海草堰白駒等廂歸海所經之處係甘泉縣之  
西北隅及泰州興化二州縣境內其漫口四處先趕運  
存工料物一面盤鑲裹護一面接手進占堵築今歲風  
雨猛烈湖水湧高三四尺西隄通身漫水實數十年來  
未有之事而高郵寶應卒得保守無虞惟邵伯上下漫  
水下河受災地方無多實賴南關車邏五里等壩未經  
輕放之故九月李奉翰奏報四堡營房於九月初六日  
堵合周家莊黑魚塘兩處因水深三丈八九尺及四丈  
四五尺不等濇勢較爲湍急周家莊於九月十七日堵  
竣黑魚塘於二十三日堵竣報

聞十月李世傑等奏請勘修臨湖風損甄石各工又於三溝廂  
創築西隄一道

命大學士阿桂於豫省工竣馳赴江南將高堰山圩等工是否  
在保固限外揚糧揚河各工是否應行修補其西岸三溝廂  
迤下是否應須添築西隄一併查明據實以聞尋奏勘得高  
堰山圩揚河揚糧四廳屬臨湖甄石工程塌卸處甚多  
而揚糧一廳因湖水滙注下游該處西岸隄工係屬頂  
衝不但甄石椿木多致沖失無存卽石後尾土並經刷  
汕缺陷其東岸甄石工段亦間有掣卸查高堰山圩各

工曾於乾隆四十五年改甃爲石已在保固限外後於五十一年擇要補修一次所修之工高堰廳止七十丈山旰廳止二百九丈五尺此內現其塌卸四十三丈因保固未滿業經李奉翰著落原辦之員賠修至揚河揚糧二廳甃石段落年久未修本多殘損五十一年又值湖水盛漲亦曾擇要補修所修之工揚河廳止三百四十三丈揚糧廳止七十三丈三尺此內現共塌卸三十七丈七尺亦經李奉翰賠修至三溝廂迤下添建西隄一事李奉翰因此兩年湖水盛漲該處湖河相連車邏南關等壩旣未便輕啓而運河東岸隄上亦在在卑薄邵伯一帶民居稠密一遇風浪尤覺堪虞是以請於三溝廂迤下添築西隄十五里使西隄有所攬護今臣到彼會同察看見在邵伯對岸灘面全已涸露是該處地勢本高在水小之年固無須隄工攔束若湖水漲發自當使之暢泄方不爲患伏思湖水本以漸而長邵伯以下歸江之路不遠水勢本可隨長隨消然遇異漲則消少長多尙至洎岸盈隄茲若添建西隄攔截湖水必至縮高口愈窄而力愈猛西隄一有疎失東隄亦難保守恐潰決尙不止此上年伏汛以前高堰誌椿原存底水四尺六寸及伏秋大汛長至一丈五尺六寸維時高寶



諸湖正值五十年大旱之後底水本小而車邏等壩又全行啓放是以此一帶隄岸未至沖決今年高堰誌椿伏汛前原存底水五尺九寸及伏秋大汛長至一丈三尺三寸又有豫省漫水滙注高寶諸湖底水復大車邏等壩未經啓放是以三溝牖誌椿長至一丈九尺水勢不能速消故邵伯上下隄工遂至著重此兩年連值盛漲原非常有之事且湖水縮高亦足爲患似不如仍循其舊較爲穩妥應將創建西隄之處竟行停止

**硃批**

朕意原以爲不應建也五十四年四月總河蘭第錫奏臣由寶應高郵邵伯至瓜洲等處查勘揚州運河水勢自

八九尺及一丈三四尺至一丈餘尺不等臨河隄埽甃石等工均屬如式東隄高郵南關五里車邏等壩石工封土寬厚堅實足資保障其餘單牖涵洞俱令隨宜啓閉以利農田西岸寶應汜光等湖湖低於河七尺有餘現在啓放減水牖洞以泄運河有餘之水其通湖各港口封閉完好邵伯迤上五十二年漫水之周家溝黑魚塘等處因跌成深塘埽工屹立復用碎石拋填出水以護埽根臨湖甃石間有掣卸卽飭補砌寶應汜水汛內舊有瓦甸牖改建雙孔磯心石牖一座係宣泄運河之水由湖歸江最爲得力屢經大汛沖動損壞難資啓閉

係亟應辦理之工應請辦理瓜洲一帶臨江埭工應修之處亦俱完竣間有拋填石塊以禦潮水俱與原估相符

命軍機大臣傳諭曰蘭第錫奏稱寶應汜水等湖湖水低於河水七尺餘寸現在酌啓減水牐洞以泄運河有餘之水等語本年淮揚一帶運河水勢充裕湖水較低於河水原不妨酌啓牐洞以宣泄運河盛漲但思寶應汜水等湖向係減泄洪湖盛漲之區今將運河之水分泄入湖是否能資容納且寶應汜水等湖未必另有自行入江之路若往南下游一帶仍須滙歸運河入江則無庸議欲詳知悉耳其是否情形著傳

諭蘭第錫詳悉查明具圖貼說覆奏尋奏淮揚運河自清口至高郵地勢本高河底較深東西兩隄相距甚近自高郵至揚州地勢漸低兩隄稍爲寬衍本年三四月豫省上游雨澤勻調洪澤湖水漸次長發天妃牐下運河之水亦日有增益中流深至一丈四五尺及二丈二三尺不等兩隄收束擡高水勢四月內已高於西岸之寶應汜水二湖七尺五寸自高郵至邵伯以下湖河水面逐漸相平查寶應汜水高郵邵伯等湖上下相連以次輸灌實無有另行入江之路惟往南下游邵伯湖尾三溝牐以下西岸無隄處滙歸入江其東岸金灣鳳凰壁虎

重刊校勘記 卷之二十三  
等牐壩橋孔皆係分泄入江之路臣因寶應以上運河水大兩岸堤工出水不高東岸以下民田無需灌溉則運河之水儘可令泄入湖卽將葉雲牐洞并竹絡壩王鼐洞等處酌量啓放以泄有餘之水而上游山圩五壩封閉堅實寶應各湖水無來源運河泄水無多足資容納下游滙歸運河由金灣六牐鳳凰等橋及瓜洲兩路入江極爲通暢臣前奏未曾詳細聲明致煩

睿慮今自分洩以來各湖長水無多運河水亦平減均可仰慰聖懷至高堰誌椿現長至七尺八寸前於長至六尺時卽將束清禦黃兩壩拆展今復加展拓束清壩口門已寬二十六丈

四丈禦黃壩口門已寬三十六丈使湖水暢出清口會黃東注報

同五十六年六月總督書麟等奏洪澤湖因安省兩大淮水下注高堰誌椿新舊長水一丈四寸束清禦黃兩壩全行拆展淮揚運河水勢亦盛東岸南關車邏五里等壩封土預經幫築高厚西岸寶應邵伯等湖水低於運河三四五尺不等此時洪澤湖水應令全由清口暢出其山圩五壩自當堅守勿開若湖水再長臣等隨時察看於智信兩壩內酌開一壩由湖歸江於下河民田並無妨礙

硃批此係不得已而爲之者毋恃以爲長也今究酌開否尋奏  
自六月二十五日以後湖水平定未經續長現在已有  
消動之勢所有山盱五壩並未開放是月督河諸臣奏  
洪湖自七月以來水勢平定山盱五壩未啓淮揚運河  
水勢盱盛臣等查西岸白馬汜光等湖足資容納當將  
寶應之瓦甸牯竹絡壩啟放分泄現在水勢漸消各工  
平穩九月又奏高堰誌椿現存水六尺餘寸束清禦黃  
兩壩已興工接築淮揚運河水勢充裕此後有消無長  
所有竹絡等壩亦俱照舊分別加築

續載

乾隆五十六年以後因檔案難齊俟

